

冬夜瑣思

古水

癸卯年十月廿五 / 2023-12-07

參真如幻如妙諦，尋有意無意間緣。

釋家《大般涅槃經》言善男子有「八苦」是為世諦，而無「八苦」是為第一義諦，其所謂「八苦」者，生、老、病、死、愛別離、怨憎會、求不得、五盛陰也。生老病死者定乎天，人力所不能決。愛別離、怨憎會者定乎己，人力所能決。惟求不得一項，似乎人力所能決，實則人力所不能決，故常為人間至苦而總不能滅也。

無眠獨看窗前月，有淚偏垂夢裏人。

自總角以來，余熏浸於浪漫主義學說，奉性善之論為圭臬，以為人心固非鐵石，真愛足可動之。故每所惠好者，必誠心正意，以其所思為己思，其所欲為己欲，竭力盡能，不期報復。然所求終不能得者，非余心不誠、力不盡，蓋值遇非人，多情空付，緣之未至，強求無益。而今年歲愈長，斯人無望，心中煩憤，不可稍釋，何其苦哉！